

Siman di Kadaster

HISTORIA DI KADASTER

Parti 1

Ing. Vi Frank, guia di proyectonan na Kadaster, ken en total tin 38 aña trahando na dicho departamento, a duna un relato pa prensa tocante historia di Kadaster. Den nos edicion di awe, e prome parti di e relato interesante aki.

"Kadaster ta un instituto gubernamental pa registracion y administracion di e situacion huridico y uso di tur bien inmueble den cierto teritorio, inclusive tur e cambianan cu ta tuna lugar den transcurso di tempo. E registracion y administracion ta tuma lugar pa medio di registro y mapanan.

Aunke e palabra Kadaster no ta bin di e Egipcianan di e tempo di faraonnan, Egipto ta e pais mas bieu den historia cu a conoce un sistema parecido na un Kadaster; pues nan tabata tin no solamente un registracion di e terenonan, pero tambe nan forma (limitenan) y nan grandura.

Nos mester tene den mente cu Egipto e tempo ey tabata e mangazina di trigo di e paisnan rond di Lama Mediteraneo. E registracion tabata necesario pa, despues di e inundacionnan causa pa e rio Nilo den tempo di yobida, bolbe reconstrui e limitenan di e terenonan exactamente atrobe.

Pa realiza esaki nan tabata aplica matematica. No ta nada straño cu nombenan di matematiconan cu ainda nos conoce, manera Ptolomeus, Eratostenes, etc., ta bin di e tempo ey.

Por cierto, Eratostenes tabata e prome matematico den historia cu a realiza un medicion di grado pa calcula e rayo (straal) y circunferencia (omtrek) di nos Planeta Tera.

El a aplica un metodo masha ingenioso y a usa e solo, un pos, un distancia conoci y un vara cu un largura conoci pa realiza esaki. Si nos transforma e unidad di largura cu el a usa pa e meter di nos, nos ta mira cu su resultadonan no ta malo.

E PALABRA KADASTER

E palabra Kadaster ta bin di e palabra Catastrum di e romanonan antiguo. E antiguo derecho romano tabata conoce un registracion di biennan inmueble y un manera prescribi pa ley con entrega huridico di bien inmueble mester a tuma lugar; e partidonan concerni ta aparece dilanti magistrado y despues y despues di identificacion di e bendedor, e comprador y e tereno concerni, un pida di e suelo di e tereno ta ser entrega pa e bendedor na e comprador y un ke otro, por ehemplo e prijs, ta worde anota den e registro. Den e periodo medieval tabata existi na Europa un sistema feudal na unda e rey of emperador tabata duna tereno den fianza (leen) na su vasayonan. Si tabata existi mapa e tempo ey, esakinan tabata masha poco, y e limitenan (grenzen) di e terenonan tabata mayoria parti limitenan natural manera ruinan, cadena di ceronan, etc.

E vasayonan nan nan turno tabata duna tereno den pacht na e agricultornan liber kendenan mester a paga belasting y sirbi den e ehercito di e vasayonan.

Den e temponan y desaroyonan tumultuosos di e epoca ey e vasayonan a cuminsa tuma e poder pa nan mes y a cuminsa considera e terenonan manera nan propiedad. E manera di cobra belasting no tabata tur ora husto y e rentmeesternan tin ora tabata abusa di nan poder.

Den e tempo ey nan a cuminsa cu tene un sorto di grondboekhouding y te dia di awe esun di Inglatera cu yama "Doomsday Bood" ta existi. Pa cubri e gastonan halto di nan corte, e noblenan a cuminsa bende tereno y asina a cuminsa bin un "versnippering" den terenonan.

Den nos siguiente edicion lo tin mas riba Historia di Kadaster.

**ASOCIACION DI
SPECIALISTA MEDICO
TA ELEGI DIRECTIVA
NOBO**

ORANJESTAD(AAN): --
VMSA (Asociacion di Especialistanan Medico di Aruba) a elegi directiva nobo recientemente.

E directiva ta consisti di Hunt Riley (presidente), Hendricus van Gaalen (psiquiatra), Patrick Haime (cirugano ortopedico), Roque Marugg (radiologo) y Marcel Meelis (neurologo).

E directiva nobo ta gradici e directiva anterior pa su bon trabao y ta spera cu e relacion amistoso cu tur gremio, instancia y persona cu ta traha den salubridad publico lo continua.

Colombia Moda

Wilhelminastraat 19

Layex Building

Tel: 823460

X-MAS • X-MAS
X-MAS • X-MAS
X-MAS • X-MAS



**COLLECTION
HAS ARRIVED**

QUALITY, PRICE, EXCLUSIVITY
IS OUR PRIORITY!!



Colombia Moda



Telefonnan di **DIARIO**
826747 - Fax 828551

**FIESTA DI SINTERKLAAS
5 DI DECEMBER NA**

Toys 4 Us

Wilhelminastraat #81 Tel: 822207

**Tur e muchanan cu
participa lo haya:**

GRATIS

**-Un refresco
-Un hamburger
-Un popcorn**



**TUR MUCHA TA
KEDA INVITA PA
BIN CELEBRA CU
SINTERKLAAS
SU FIESTA**

Corda ariba nos Lay-away plan!

Les a e noticia aki tambe riba

diarioaruba.com

